



Broj: 01/24-02-421/22 -1  
Sarajevo, 07.03.2022. godine

**PREDSTAVNIČKOM DOMU  
PARLAMENTA FEDERACIJE BiH**

Primljeno: 15-03-2022			
Org. jed.	Broj	Priloga	Vrijednost

Odbor za poljoprivredu, vodoprivredu i šumarstvo Predstavničkog doma Parlamenta Federacije BiH, na 22. sjednici, održanoj 07.03.2022. godine, te nastavku sjednice, održane 09.03.2022. razmatrao je sljedeći:

#### DNEVNI RED

1. Usvajanje Zapisnika sa prethodne sjednice Odbora za poljoprivredu, vodoprivredu i šumarstvo Predstavničkog doma Parlamenta Federacije BiH;
2. Analiza vanrednih okolnosti (agresija Ruske federacije na Ukrajinu) na agrar Federacije BiH i donošenje adekvatnih odluka i inicijativa;
3. Budžet Federacije BiH (Poticaji za poljoprivredu) za 2022. godinu („Informacija“);
4. Prijedlog Zakona o šumama („Informacija“);
5. Strategija poljoprivrede i ruralnog razvoja Federacije BiH 2021- 2027. godina („Informacija“);
6. Izjašnjavanje Odbora na inicijativu za izvorno, autentično tumačenje Zakona o vodama;
7. Izjašnjavanje Odbora o inicijativama zastupnice Sanele Klarić;
8. Tekuća pitanja.

Na osnovu člana 44. st. 1. i 2., a u vezi sa članom 79. Poslovnika Predstavničkog doma Parlamenta Federacije BiH, Odbor za poljoprivredu, vodoprivredu i šumarstvo Predstavničkog doma Parlamenta Federacije BiH, Domu podnosi sljedeći

#### IZVJEŠTAJ

**1. Usvajanje Zapisnika sa 21. sjednice Odbora za poljoprivredu, vodoprivredu i šumarstvo Predstavničkog doma Parlamenta Federacije BiH**

Nakon što je predsjednik Odbora pozdravio prisutne članove Odbora i goste, konstatovao da postoji kvorum za rad Odbora, te potom pročitao dnevni red sjednice definisan pozivom, predložio je usvajanje Zapisnika sa 21. sjednice Odbora za poljoprivredu,

vodoprivredu i šumarstvo Predstavničkog doma Parlamenta Federacije BiH, održane 21.12.2021. godine. Zapisnik sa 21. sjednice Odbora usvojen je jednoglasno.

**2. Analiza vanrednih okolnosti (agresija Ruske federacije na Ukrajinu) na agrar Federacije BiH i donošenje adekvatnih odluka i inicijativa i 3. Budžet Federacije BiH (Poticaji za poljoprivredu) za 2022. godinu („Informacija“);**

Odbor je na 22. sjednici tačku 2 i tačku 3. dnevnog reda razmatrao u okviru jedne tačke. Predsjednik Odbora je u uvodnom izlaganju obrazložio stanje u poljoprivredi u vanrednim okolnostima (agresije Ruske federacije na Ukrajinu) kao i potrebu uvećanja budžeta 2022. za poljoprivredu obzirom na prijetnju bosanskohercegovačkoj poljoprivredi usljed novonastalih okolnosti. Predsjednik Odbora je također ukazao na potrebu za uspostavljanje odgovornog budžeta za poljoprivredu u Federaciji Bosne i Hercegovine.

**Odbor je jednoglasno podržao prijedlog Predsjednika za upućivanje zahtjeva Predsjedavajućem Predstavničkog doma Parlamenta FBiH za zakazivanje hitne tematske sjednice Predstavničkog doma, a u vezi stanja u poljoprivredi - analiza vanrednih okolnosti (agresija Ruske federacije na Ukrajinu) na agrar Federacije BiH i donošenje vanrednih odluka i inicijativa, u roku od 7 dana od dana podnošenja zahtjeva.**

**4. Prijedlog Zakona o šumama („Informacija“);**

Predsjednik Odbora je istakao kako je Zakon o šumama potrebno razmatrati na sjednici Predstavničkog doma u što kraćem roku. Također, konstatovao je da će Odbor održati tematsku sjednicu po ovom Prijedlogu.

**5. Strategija poljoprivrede i ruralnog razvoja Federacije BiH 2021- 2027. godina („Informacija“);**

Odbor je donio sljedeći:

**ZAKLJUČAK**

**Traži se od Ministarstva za poljoprivredu, vodoprivredu i šumarstvo odgovor na pitanje Odbora: Da li je nepostojanje, u ovom momentu, Strategije poljoprivrede i ruralnog razvoja za period 2022-2027. limitirajući faktor za usvajanje Programa utroška sredstava?**

**6. Izjašnjavanje Odbora na inicijativu za izvorno, autentično tumačenje Zakona o vodama;**

Odbor je jednoglasno donio:

**ZAKLJUČAK**

**Traži se usaglašavanje mišljenja Federalnog ministarstva za poljoprivredu, vodoprivredu i šumarstvo, Agencije za vodno područje Jadranskog mora i Agencije za vodno područje rijeke Save Sarajevo, u vezi Inicijative za davanje autentičnog tumačenja Zakona o vodama, koju je u Parlamentarnu proceduru uputio gospodin Anis Ajdinović, direktor Federalne uprave za inspekcijske poslove, kako bi Odbor mogao dati opredjeljenje za predmetnu inicijativu.**

Takoder, Odbor za poljoprivredu, vodoprivredu i šumarstvo zahtijeva hitno pokretanje postupka izmjena i dopuna Zakona o vodama.

## **7. Izjašnjavanje Odbora inicijativama zastupnice Sanele Klarić;**

Odbor je jednoglasno donio

### **ZAKLJUČAK**

Traži se od Vlade Federacije Bosne i Hercegovine i Federalnog Ministarstva poljoprivrede, vodoprivrede i šumarstva pismeno izjašnjenje o inicijativama Odbora za poljoprivredu, vodoprivredu i šumarstvo. Između ostalog i pismeno izjašnjenje o inicijativama gospođe Sanele Klarić, zastupnice u Predstavničkom domu Parlamenta Federacije, o inicijativama koje su upućene Ministarstvu za davanje mišljenja. Predmetne inicijative:

- Zastupnička inicijativa za podršku poljoprivrednim proizvođačima za proljetnu sjetvu, broj: 01-02-322/22;
- Zastupnička inicijativa za hitno donošenje odluke i popratnih akata o uvođenju prava na resorno gorivo (plavi dizel) za sva registrovana poljoprivredna gazdinstva po evropskom obračunskom standardu, broj: 05/1-02-64/22;
- Zastupnička inicijativa za hitno donošenje odluke i popratnih akata o uvođenju prava na resorno gorivo (plavi dizel) za izvođače radova u šumarstvu po obračunskom standardu EU i ukidanje neopravdanih akciza, broj: 05/1-02-77/22;
- Zastupnička inicijativa za formiranje krizne grupe/štaba, broj: 05/1-02-65/22
- Zastupnička inicijativa za uvođenje poljoprivrednih proizvođača gljiva u FBiH u Program poticaja Federacije BiH za 2022.godinu, broj: 05/01-02-79/22

## **8. Tekuća pitanja.**

Po ovoj tački dnevnog reda nije bilo rasprave.

**PREDSJEDNIK ODBORA**

Ahmed Džubur s.r.